



Headlines

- गृह मंत्री अमित शाह हुंदा आखना ऐ जे भारत दे समूलचे बन्ने पर सुरक्षा बवस्था गी निग्गर बनाने लेई बीएसएफ दी भूमिका दा विस्तार कीता जाहग। जम्मू च बन्ने कोल रौहने आहले बसनीकें, अंतरराश्ट्री सीमा कोल 15 किलोमीटर दे दायरे च गैर कन्नी ढांचे गी हटाने दे सरकार दे हाल दे फैसले दा सुआगत कीता ऐ।
- कई डैलीगेशनं लेफ्टिनेंट गवर्नर हुंदे कन्नै मुलाकात कीती ऐ। नौजवानें दी भलाई-बेहतरी, विकास ते ग्राएं दी तरक्की बारै गल्लबात कीती ऐ।
- उत्तरीसेना दे कमांडर लेफ्टिनेंटर जनरल प्रतीक शर्मा होरं कुपवाड़ा च कब्जा रेखा कोल घुसपैठ रोकने आहले सरिस्ते दा जायजा लैता ऐ।
- जम्मू कश्मीर पैहली बारी पी.टी.एफ इंडिया ओपन इंटरनेशनल तायक्वांडो चैंपियनशिप-2026 दी मेजबानी करग।
- जम्मू च हल्की बूदाबांदी होआ करदी ऐ ते बददल छाए दे न।



HM-BSF

गृह मंत्री अमित शाह होरें आखेआ ऐ जे सरकार सीमा सुरक्षा बल-बीएसएफ गी होर मती जिम्मेदारियां देने पर बचार करा' रदी ऐ तां जे ओह नमीं उभरा करदी चुनौतिएं दा असरदार ढंगगै' नै मुकाबला करी सकै। गुजरात दे भुज च भारत-पाकिस्तान बन्ने कश बड़े मते रणनीतिक महत्व आली दऊं नमीं सरहदी चैकिएं दा उद्घाटन करने परेंत बीएसएफ कर्मिं कन्नै गल्लबात करदे होई श्री शाह होरें एह गल्ल आखी।

उनें आखेआ जे बीएसएफ दी स्थापना दे 60में बरे च लैता गोदा एह फैसला बन्ने दी सुरक्षा दे बीएसएफ दे विशेषी गी पूरी चाल्ली बदलियै रक्खी देग।

<><><><><><>

IB-Residents

जम्मू च अंतरराष्ट्री बन्ने दे नेड़े रवारदे बसनीके बन्ने दे 15 किलोमीटर दे दायरे अंदर बनाए गोदे गैर कनूनी ढांचे गी हटाने दे गृह मंत्री अमित शाह हुंदे फैसले दा सुआगत कीता ऐ। इस गेंs दा मकसद बन्ने दी सुरक्षा गी तगड़ा बनाना ते गैर कनूनी गतिविधिं गी रोकना ऐ। स्हाड़े जिला संवाददाता दी रिपोर्ट मूजब अरनिया, आर.एस.पुरा ते सुचेतगढ़ दे बसनीके इस फैसले गी अपना पूरा समर्थन देने दा धेइया कीता ऐ। आकाशवाणी समाचार कन्ने गल्ल करदे होई बन्ने आले किश बसनीके आखेआ

<><><><><><>

IG-Delegation

कई सारे डेलीगेशन कल लेफ्टिनेंट गवर्नर मनोज सिन्हा हुंदे नै मिलिये बक्ख-बक्ख चाल्ली दे मामले उंदे अगगे रक्खे जिंदे च नौजवाने दे कल्याण, तरक्की-बाददे ते ग्रामीण विकास कन्ने जुड़े दे मामले मुख्त तौरा पर शामिल हे। कश्मीर रोड सेफ्टी फाउंडेशन दे इक डेलीगेशन अपने प्रधान नासिर अली खान हुंदी अगुवाई च एल.जी हुंदे नै मिलिये उनेंगी ओंदे राश्ट्री खेड्ड उत्सव-2026 बारे जानकारी दिती जेहदा विशेसार ऐ, नशे दे खलाफ नौजवान। इस आयोजन च देसै दे 8 राज्ये सने नेपाल थमां बी दऊं टीमें दे हिस्सा लैने दी मेद ऐ ते एहदा मकसद खेड्डे ते नौजवाने दी शमूलियत दे राहें इक सेहतमंद ते नशामुक्त समाज दे स्नेह गी बढ़ावा देना ऐ। तोआई, कांग्रेस दे वरिष्ठ नेता सुरिंद्र सिंह चन्नी होरे बी एल.जी हुंदे नै मिलिये त्राल दे तरक्कियाती मसलें ते मकामी नौजवाने लेई रोजगार दे मौके पर लोs पाई। नाबाई दे डिप्टी मैनेजिंग डरेक्टर गोवर्धन सिंह रावत होरे बी श्री सिन्हा हुंदे नै मलाटी करिये ग्रामीण विकास आले मामलें पर चर्चा कीती।

<><><><><><>

Army Commander Visit

उत्तरी सेना दे कमांडर लेफ्टिनेंट जनरल प्रतीक शर्मा होंरें कश्मीर घाटी च नियंत्रण रेखा कश घुसपैठ रोकने सरबन्धी गिड ते बलें दी संचालन तैयारियें दा जायजा लैता। उनें कुपवाड़ा सेक्टर च कब्जा रेखा कोल तैनात युनिटें दा दौरा लाया। अपने दौरें दरान कमांडर होंरें कब्जा रेखा कोल बिजन माहनू आहली ब्हाई प्रणाली यू.ए.एस गी एकीकृत करने लेई इलाके दी परिस्थितियें स्हाबै कामयाबी कन्ने लागू कीते गेदे नवाचारें गी दिक्खेआ। उनें चुनौती आहले हालात च कम्म करने आहले फौजियें दी बहादुरी, दलेरी ते समर्पण दी तरीफ कीती।



Amaranth-Yatra

ओंदी श्री अमरनाथ जी दी जातरा दे मददेनजर जम्मू दे एसएसपी जोगिंद्र सिंह होंरें कल भगवती नगर आधार शिविर दा दौरा लाइयें सुरक्षा ते साज-समेयान मतल्लक बंदोबस्तें दा जायजा लैता। उनें आधार शिविर दी सुरक्षा लेई तैनात अधिकारियें ते जवानें कन्ने गल्लबात बी कीती। सी.आर.पी.एफ ते सिविल प्रशासन दे प्रतिनिधियें बी जायजा बैठक च हिस्सा लैता। इस मौके पर सुरक्षा रणनीति, भीड़ ते प्रबंधन, ट्रैफिक नियंत्रण, निगरानी ते एमरजेंसी ज्नेह हालात कन्ने निब्बड़ने सरबन्धी तैयारियें पर मुख करी ध्यान केंद्रित कीता गेआ। एसएसपी होंरें अधिकारियें गी निर्देश दिते जे ओह बंदोबस्तें गी बेल्लै सिर सबूरा करोआना यकीनी बनाने दे कन्नोकन्नी एजेंसियें बश्कार तालमेल बरकरार रखने ते श्री अमरनाथ श्रद्धालुएं लेई सुरक्षित म्हौल बनाने दी दिशा चबी सक्रियता कन्ने कम्म करन।



JK-Taekwondo

श्रीनगर दे शैर-ए-कश्मीर इंडोर स्टेडियम च अज्जै थमां पी.टी.एफ इंडिया ओपन इंटरनेशनल तायक्वांडो चैंपियनशिप-2026 दी शुरूआत होग। जम्मू-कश्मीर पैहली बारी इस प्रतियोगिता दी मेजबानी करा करदा ऐ।

जम्मू-कश्मीर स्पोर्ट्स कौंसल दी दिक्ख-रिक्ख च एह अंतरराष्ट्री प्रतियोगिता 2 जून धोड़ी चलग। समूलचे मुल्खै ते विदेशें सवां तायकवांडो खडारी इक्क मंच पर किट्ठे होइयै अपना प्रदर्शन दस्सडन। स्पोर्ट्स कौंसल दा आखना ऐ जे एह छड़ा खेड्ठ मुकाबला गै नेई ऐ, सगुआं नशामुक्त जीवनशैली गी बढावा देने दा इक्क मंच बी ऐ।

<><><><><><>

Udh. Got Talent

उधमपुर जिला प्रशासन नै नशामुक्त भारत अभियान तैहत कल रिवायत पैलेस च इक्क संगीत प्रोग्राम उधमपुर गाट टैलेंट दे ग्रैंड फिनाले दा आयोजन कीता। उधमपुर-रियासी रेंज दे डीआईजी शिव कुमार शर्मा होर इस मौके पर मुख परौहने हे। इस प्रोग्राम च जिले दे नौजवानें बड़े उत्साह कन्नै हिस्सा लैता। कार्यक्रम द मकसद रचनात्मक गतिविधियें राएं नशे दे खलाफ जागरूकता पैदा करना हा। इस मौके पर बोलदे होई उधमपुर-रियासी रेंज दे डीआईजी शिव कुमार शर्मा होरें आखेआ

<><><><><><>

Weather

जम्मू च अज्ज मौसम बदलोखड़ा बने दा ऐ ते केई सारी थाहें पर हौली बरखा बरने करी लोकें गी गर्मी शा राहत हासल होई ऐ। मौसम विभाग दे श्रीनगर केंद्र नै जम्मू-कश्मीर च अज्ज बरखा, गरज-चमक, ऐन गड़ा पौने ते केई थाहें पर अंधी झक्खड़ा दी भविक्खवाणी कीती ऐ। उआं 31 मई थमां 3 जून धोड़ी मौसम खुशक रौहग ते 4 ते 5 जून गी फही बरखा बरी सकदी ऐ। मती जानकारी कन्नै मौसम विभाग दे डरैक्टर मुख्तार अहमद

<><><><><><>

Cyber Crime

जम्मू-कश्मीर दे साइबर अपराध विभाग नै बसनीकेँ गी बधा'रदे आनलाइन धोखाधड़ी दे खतरें खलाफ सौहगे-सतर्क रौहने दी गुजारश कीती ऐ। विभाग नै लोकेँ गी फर्जी फोन काल, ओटीपी, स्कैम, संदिग्ध लिंक ते शूबे आली आनलाइन गुजारशें बारेँ खबरदार कीता ऐ। लोकेँ गी आखेआ गेआ ऐ जे ओह कुसै अनजान नंबर थमां औने आहले लिंक पर क्लिक नेई करन ते साइबर अपराध दी जानकारी 1930 नंबर जां राष्ट्री साइबर अपराध पोर्ट पर तुरत करन। इस बारेँ इक मुतल्लका ऐहलकार दा आखना ऐ।

<><><><><><>